

“YOSHLAR - YANGI O‘ZBEKISTON BUNYODKORLARI”

Sharipova Munira

*Namangan davlat universiteti Jahon tillari fakulteti
Xorijiy til va adabiyoti (ingliz tili) mutaxassisligi II bosqich magistranti*

Annotatsiya: Ushbu maqolada yoshlarning jamiyat va davlat hayotidagi beqiyos roli, shuningdek kelajagimiz poydevori bo‘lmish o‘sib kelayotgan yosh avlodga yurtimizda yaratilgan imkoniyatlar haqida so‘z yuritiladi. Hozirgi davr yoshlari yuksak salohiyatli, chuqur mulohazali bunday yoshlar bilan yurtimiz dunyo hamjamiyati orasida yanada yuqori o‘rinlarni zabt etadi.

Kalit so‘zlar: yoshlar, kelajak, jamiyat, davlat, istiqlol, sport, ilm – fan, san’at va madaniyat.

"МОЛОДЕЖЬ - ТВОРЦЫ НОВОГО УЗБЕКИСТАНА"

Шарипова Мунира

*Наманганский государственный университет, факультет мировых языков, Иностранных языков и литературы (английский язык) магистрант
2 ступени*

Аннотация: В данной статье говорится о ни с чем не сравнимой роли молодежи в жизни общества и государства, а также о возможностях, созданных в нашей стране для подрастающего молодого поколения, являющегося фундаментом нашего будущего. Сегодняшняя молодежь обладает высоким потенциалом и глубоким мышлением, и наша страна займет более высокое место в мировом сообществе.

Ключевые слова: молодежь, будущее, общество, государство, независимость, спорт, наука, искусство и культура.

"YOUTH - NEW UZBEKISTAN CREATORS"

Sharipova Munira

*Namangan State University, Faculty of World Languages,
Foreign language and literature (English) 2nd stage master's student*

Abstract: This article talks about the incomparable role of youth in the life of society and the state, as well as the opportunities created in our country for the growing young generation, which is the foundation of our future. Today's young people have

high potential and deep thinking, and our country will take a higher place among the world community.

Key words: youth, future, society, state, independence, sport, science, art and culture.

Ma'lumki, har qanday davlatning eng katta boyligi va eng buyuk kuchi bu uning- yoshlaridir. Yoshlar har bir yurtning ertasidir! Ayni bir shiddatli zamonda yoshlarning faol va shiddatli ishtiroki kuzatilmaydigan hech bir soha yo'q. Davlat qurilishi, uning rivoji va dunyo hamjamiyatida o'z o'rnini mustaxkamlashida yoshlarning roli siz va biz o'ylagandan ham ancha muhimroq ekanini xozirgi davrning serg'ayrat yoshlari misolida yaqqol ko'rishingiz mumkin. Hech bir millat yoki mamlakatda yoshlarsiz rivojlanish va o'sish bo'lmaydi, mamlakat taraqqiyoti yoshlar qo'lida. Yoshlarimiz bizga har bir sohada kerak xoh u texnika bo'lsin, xoh sport yoki san'at. Negaki, yoshlarimiz ayni paytdagi hayotni kuzatish va yo'l qo'yilayotgan kamchilik va xatolarni o'rganish orqali vaqt o'tishi bilan sezilarli ijtimoiy - siyosiy islohotlarni amalga oshiradilar va bu jamiyat va davlatning kelgusi hayotida beqiyos ahamiyatga ega.

Mamlakatimiz o'z mustaqilligiga erishgach, yurtimiz rivoji yo'lida bir qancha islohotlar amalga oshirildi. Shunday islohotlarning biri yoshlarni qo'llab- quvvatlash, ularni chinakam vatanparlik ruhida tarbiyalashga qaratilgan islohotlardir. Bu kabi islohotlar esa yoshlar masalasini davlat siyosati darajasigacha ko'tardi. Hukumatimiz va prezidentimizning sa'y – harakatlari natijasi o'laroq respublikamizda yoshlar uchun barcha imkoniyatlar eshiklari ochildi. Ularning yetarli ta'lim tarbiya olishlari, sport bilan shug'ullanishlari va jahon yoshlari orasida o'z o'rinlarini egallashlari uchun misliko'rilmagan ishlar amalga oshirib kelinmoqda. Yoshlar – ertamiz, yoshlar – kelajagimiz bunyodkorlari. Xususan, muxtaram prezidentimizning ham eng katta orzusi yangi O'zbekiston bag'rida hozirgi davr yoshlar bilan birgalikda uchinchi renesansni barpo etish, va bugungi kun yoshlari siymosida buyuk ajdodlarimizni gavalantirishdek ezgu maqsaddan iborat [1].

Qay sohaga nazar tashlamang barchasida yoshlarning yetakchilik qobiliyatini o'stirishga e'tibor qaratilgan. Bu yo'lda esa yoshlarga yaratib berilgan imkoniyatlarni sanab sanog'iga yetolmaysiz. Yoshlik – kelajakka tuzilgan ulkan reja va istiqloqning bohlanishi ekanini chuqur his etgan hukumatimiz va dono yurtboshimiz tashabbuslari bilan bir qator zamonaviy eng so'nggi rusumdagi texnologiyalar bilan ta'minlangan maskanlar yoshlarimiz uchun foydalanishga topshirildi. Yoshlarimiz kelajakda bundanda yorug' va farovon hayot yaratishlari, shaxsiy bizneslarini rivojlantirishlari uchun “ yoshlar – kelajagamiz” jamg'armasi tashkil etlib, bugungi kunda mazkur tashkilot kelajak avlod uchun qariyb 692 milliard 400 million so'mlik imtiyozli kreditlar ajratdi. Vatanpar, fidokor yoshlar uchun bir qancha davlat mukofotlari ta'sis

etildi. Xususan, “Do’slik” ordeni va “Shuhrat” medali, Zulfiya nomidagi davlat mukofoti, “Kelajak bunyodkori” medali, “O‘zbekiston belgisi” ko‘krak nishoni kabilar shular jumlasidandir. Bu kabi rag‘batlar yoshlarni yanada yuqoriroq marralarni zabt etishlari uchun turtki bo‘lmay qolmaydi albatta. Bularning amaliy natijasi o‘laroq, fan, san‘at, yoki sport sohalarinig barchasida yoshlarimiz hammani lol qoldirib kelishmoqda, qaysiki jahon chempionati yoki xalqaro fan olimpiada va tanlovlar borki o‘zbek yoshlari unda munosib ishtirok etib, O‘zbekiston bayrog‘ini ko‘klarga ko‘tarib kelishmoqda. Bunday yutuqlarning shoxidi bo‘lar ekansiz, aql –zakovatli, uzoqni ko‘ra bilib yaratib berilgan imkoniyat va bildirilgan ishonchdan to‘g‘ri foydalanayapkan yoshlar bilan O‘zbekistonimizning kelajagi buyuk ekaniga yana bir bor ishonch hosil qilasiz.

Yoshlar uchun yaratilgan yana bir misli ko‘rilmagan imkoniyatlardan biri bu – “El – yurt umidi” jamg‘armasining tashkil etilishidir. Jamg‘arma yoshlarga xorijiy davlatlarning nufuzli universitetlari va ilmiy markazlari ta‘lim olish, orttirgan tajribalarini almashinish imkoniyatlarini beradi. Berilgan ma‘lumotlarga ko‘ra “el – yurt umidi jamg‘armasi tomonidan 2022-2023 – o‘quv yilida 420 o‘ringa mo‘ljallangan (bakalavriat 120 nafar, magistratura 180 nafar, doktorantura 120 nafar) ochiq stipendiya tanlovi e‘lon qilindi. Chet el oliy ta‘lim muassasida o‘qishni orzu qilgan, ammo moddiy jihatdan bunday orzulari ro‘yobga chiqmayapkan yoshlar uchun bu imkoniyat ayni muddao bo‘ldi.

Yosh avlodning yanada zukko va ma‘rifatli bo‘lishiga e‘tibor qaratgan muhtaram yurtboshimiz va hukumatimiz tomonidan “Yosh kitobxon” tanlovi ta‘sis etildi. Ma‘rifatli jamiyat yaratish uchun, avval, bilimli yoshlar kerak. Yoshlar bilimlarini va ijtimoiy hayotdagi o‘rnini yuksaltirishda esa badiiy kitoblarning ham o‘rni beqiyos. Zero Yurtboshimiz ta‘kidlaganlaridek: “Bugun bitta kitob o‘qigan bola ertaga televizor ko‘rib o‘tirgan o‘nta bolani boshqarishi mumkin”. Prezidentimiz tomonidan 2019 – yil 19 – martda ilgari surilgan besh tashabbus loyihasining to‘rtinchi tashabbusi ham yoshlar ma‘naviyatini yuksaltirishga, ular o‘rtasidagi kitobxonlikni targ‘ib qilish bo‘yicha tizimli ishlar rejalashtirildi.

Prezidentimiz Shavkat Mirziyoyev tashabbuslari bilan joriy 2022 – yil 7 martdagi “Oila va xotin-qizlarni tizimli qo‘llab-quvvatlashga doir ishlarni yanada jadallashtirish chora-tadbirlari to‘g‘risida”gi prezident farmonida talaba qizlarni qo‘llab quvvatlash, ayollarni jamiyatdagi o‘rnini mustaxkamlash ularni davlat boshqaruvidagi rolini kuchaytirish maqsadida ham ko‘plab moddiy va ijtimoiy yordam turlari tashkil qilinib, ularga imtiyozli kreditlar ajratilishi belgilab berildi.[2] Xususan, ushbu 2022- 2026 yillarga mo‘ljallangan xotin qizlar ta‘limini qo‘llab quvvatlash dasturi doirasida yangi 2022 – 2023 – o‘quv yilidan boshlab magistraturada o‘qiyotgan qizlarning to‘lov - kontrakt pullari to‘liq budjetdan qoplab berilayapti. Bunday imkoniyatlarning barchasi yangi O‘zbekistonimizning bunyodkorlari bo‘lmish

yoshlarimizning buyuk kelajaklari uchundir. Zero, ilm cho'qqilarini egllagan, malakali kadr bo'lib yetishgan va vatan ravnaqiga o'zining munsoib hissasini qo'shib kelayotgan bilimli yoshlar buyuk davlat qurishda poydevor qo'yishga muhim o'rin tutadi. Bunday yoshlar bilan Yangi O'zbekiston jahonda o'zining munosib o'rniga ega, qudratli va obod davlat bo'lishi lozim.

Qisqacha qilib aytadigan bo'lsak, yoshlikning ulug'vorligiga hech narsa teng kela olmaydi. Yosh bo'lish bu o'z - o'zidan har qanday qudratli shaxsdan ko'ra ko'proq qiymatga ega bo'lgan cheksiz xazinaga ega bo'lish demakdir. Har bir xalqning eng buyuk kuchi bu – uning yoshlaridir. Shu sababli ham , yurtimiz ertasi yoshlarimiz qo'lida ekanini his qilgan holda hukumatimiz va prezidentimiz tomonidan yoshlarimiz uchun kerakli zarur shart – sharoitlar yaratib berib kelinmoqda. Bunga javoban biz yoshlar labbay deya olishimiz va kelajakda har bir sohada yuqori natijalarga erishib yurtimiz nomini dunyoga mashxur qilishimiz lozim. Chunki, butun yurtimiz aholisi yoshlarga ishonch bildirib yaxshi niyat ila yanada kuchli demokratik davlat va jamiyat qurishda ularni qo'llab quvvatlab kelmoqda. Buyuk Imom Buxoriy hazratlarining “Al Jome as – Sahih “ asari da ham hamma narsani yaxshi niyat bilan boshlashga oid hadis berilgan edi : “ Barcha ezgu ammallar niyatga bog'liq, har bir kishiga faqat niyat qilgan narsasi beriladi”.

Foydalanilgan adabiyotlar ro'yxati:

1. Sh.M.Mirziyoyev “xalqimizning roziligi bizning faoliyatimizga berilgan eng oliy bahodir”, Toshkent _ “O'zbekiston” -2018
2. <https://m.kun.uz/uz/news/2022/03/16/qizlar-uchun-magistratura-tekini-bu-iyoz-barcha-magistrant-qizlar-uchunmi-yoki-faqat-yangi-qabul-qilinadigan-talabalar-uchunmi>
3. <https://www.bartleby.com/essay/Youth-Is-The-Future-Of-Tomorrow-P3JRF7KVU5YW>